



MANEABA NI MAUNGATABU

7th Meeting of the 11th Parliament

NOTICE PAPER 14

ORAL QUESTIONS

1. **By Hon. Tekiau Aretateta, MP (Tabuaeran)**

OQ115. Berenateta Antonio e teimatoa n tuai n reke boon ritin abana man ririki aika 2014 to 2017. E kona ni waekoa n reke buokan te aine aei n te tai ae e riai?

Translation/Rairana

Berenateta Antonio has not yet received payment for the lease of her lands from 2014 to 2017. Can this be addressed as soon as possible?

OQ116. A teimatoa taan reirei n MTSS n aki rau ao ni mwengabuaka ngkai a tuai man kamwawaki batua ake a mena n ana tabo te reirei aei. E kona te Minita are tabena aei ni waekoa ni kamwawa batua aikai man te kawa n reirei?

Translation/Rairana

Teachers at MTSS are experiencing great discomfort from exposure to asbestos in the classroom that are not yet removed. Can the Minister responsible quickly remove the asbestos from the school compound?

OQ117. Nei Toua Kaitara bon te Tia Reirei ae e tangoaki bwa ena katoa te reirei ae Tebonnano Primary School i Tabuaeran are e tuai man reke boona man moan teirakena ni karokoa ngkai. E kona te Minita are tabena ni ibuobuoki nakon te kanganga aei?

Translation/Rairana

Nei Toua Kaitara is a teacher who was hired to assist for teaching at Bonnano Primary School on Tabuaeran, however she has not yet been paid since she was first recruited till to date. Can the Minister responsible assist in this matter?

OQ118. E kona te Botaki ni Bureitiman ni kakoroa uoman Bureitiman ibukin Tabuaeran?

Translation/Rairana

Can the Police service consider the possibility of having two police officers for Tabuaeran?

OQ197. N rokoia ana taan takakaro Tabuaeran iaon Tarawa ao a maeka ni maneaban KUC Kamauanea i Bikenibeu, ao e tuai man bwaka boon te maneaba aei man Mwysa. E kona te Minita are tabena aio ni waekoa ni kabwaka boon te maneaba aei?

Translation/Rairana

When the sports team from Tabuaeran arrived on Tarawa they stayed at KUC Maneaba Kamauanea in Bikenibeu, however the rent for the maneaba has not yet been paid, can the Minister responsible quickly pay the rent for the Maneaba?

2. By Hon. Kaure Babo, MP (Maiana)

OQ134. N Auti aika a nako ao I tabeka te titiraki aei ma ibukin te mwarara nakon te mwakuri are aongkoa ana kibaria ao n te tai aei ao I a manga tabeka riki te titiraki aei n tii kaotia bwa a teimatoa ataein te Primary i Maiana n tatanninga baoia bwa kaain te JSS a bon n tiku riki tabeua te tai inanon aia uma-n-reirei.

Nna bubutia te Minita are tabena bwa terana ana ibuobuoki nakoia ataein ara abamwakoro ae Maiana n te itera aio?

Translation/Rairana

In the recent past, I have raised a question in this House requesting Government to devise a plan where our Primary students are not left far too long to wait for their JSS brothers and sisters as they are still in their classrooms.

I would like to request the responsible Minister as to what does he plan to assist the pupils of Maiana regarding this problem?

3. By Hon. Teima Onorio, MP (Arorae)

OQ135. Iai kakoauana n namakaina aika a nako, tataren te bwainaoraki iaon Arorae, riki bwatin ibukin te maraki n eta ao araki riki tabeua.

E kona ni ibuobuoki te Tautaeka n taraia bwa e na aki manga tare te bwainaoraki iaon Arorae bukin kainnanaoana irouia kaain te abamwakoro?

Translation/Rairana

Arorae has experienced over several months, a shortage of medicine for headaches and other illnesses.

Could Government ensure that the much needed medicine supply on the island does not run out in future?

OQ163. E kona ni kabwarabwara te Tautaeka bwa iai ke akea ana kantaninga ni kateimatoa rokon bwaan te wanikiba iaon Arorae ibukin kateimatoan te kibakiba nakon au abamakoro ae Arorae ao aaba riki tabeua aika a kaan n te itera Maiaki.

Translation/Rairana

Could Government explain whether it has intentions to maintain the supply of jet A1 fuel for the continuation of flight to Arorae and other nearby islands in the South?

4. By Hon. Emile Schutz, MP (North Tarawa)

OQ136. E na roko n nigai te karao kawai iaon Tarawa Teinaieta?

Translation/Rairana

When will the road rehabilitation commence on North Tarawa?

OQ137. I kan titirakina te Minita are tabena bwa e a tia ni karaoaki te kakae ae tabwanin raoi riki iaon mwaitia ataein Tarawa Teinaieta Maiaki ake a tangira katean te JSS ibukiia?

Translation/Rairana

I want to ask the Minister responsible has the research been completed on how many students are required before a JSS is established there?

OQ138. E a bwaka iaa ngkai ana waaki te Ministry are tabena iaon karekean te tiim are e na keeni rawa ni booti ao kaibuke inanon kaawan Tarawa Teinaieta ake I a fia n tabetabekia inanon Auti n Tei aika nako?

Translation/Rairana

What is the latest on the team that will dredge up the boat and ship passages for villages in North Tarawa that I requested in previous sittings of the House?

OQ139. I kan titirakina te Tautaeaka bwa tera ngkai ae e a riki nakon tangke n ran ake a na kateimatoan reken te ran ae mam nakoia kaain Buota ake a maeka n te mwakoro ae ataaki n arana ae Kamwemwenang?

Translation/Rairana

I want to ask the Government, what is happening to the tanks will provide portable water to the village called Kamwemwenang in Buota?

OQ140. I kan titirakina te Minita are tabena e a fia n reke ana babaire ana Ministry ngkai ibukin baoia kaain te Botaki n Aine iaon Tarawa Teinaieta ke e tuai?

Translation/Rairana

I want to ask the Minister responsible, are there plans for transport for the Woman association to be provided or not?

OQ141. I kan titirakina te Tautaeaka bwa tabeka ake ti a fia ngaira Taan Tei mai Tarawa Teinaieta n tabetabekaki n te Auti n Tei aio ana karaokai nanoia ke ana aki?

Translation/Rairana

I want to ask Government regarding our proposals revised in this House, whether they will be all executed or not?

OQ142. I kan titirakina te Minita are tabena bwa tera ngkai rongorongon ana clinic Buota e a bwaka iaa ao a na tia ningai?

Translation/Rairana

I want to ask the Minister responsible, what is the latest on the clinic for Buota and when will it be completed?

5. By Hon. Kouraiti Beniato, MP (Onotoa)

OQ143. E teimatoa n namakinaki te kanganga ni kabonganakin te tareboon iaon kawan Onotoa tabeua. E kona te Minita are tabena ni buoka ke kanganga aei n te tai ae e waekoa?

Translation/Rairana

It has been experienced that the problem in using the mobile phone remained unsolved in some villages on Onotoa. Can the Minister responsible attend to this problem at the earliest opportunity?

OQ144. Ni bowin te Auti ae e nako ao I tabeka au titiraki bwa iai kainnanaan umunakin te ben ibukia taan oroben n tain te kakarau. Tera ngkai ae a tia ni karaoia te Minita are tabena n tobwa te kainnanao aei?

Translation/Rairana

During the last session of Parliament I submit a question with regard to the need to bake copra in an effort to assist copra cutters in drying copra during rainy weather. What has been done by the Minister responsible in response to this need?

OQ145. Ni bowin te Auti n Tei ae e nako (April Meeting) ao I tabeka au titiraki ibukin ienikurian karaoan mwakur n onobwai iaon kotiwei ae Temaao/Otowae ao Kariawa. E kona te Minita are tabena ni kaongoa te Auti aei bwa tera ae a tia ngkai ni karaoaki?

Translation/Rairana

During the last meeting of Parliament (April Meeting) I submitted my question with regard to the need for urgent maintenance work on Temaao/Otowae causeway and Kariawa. Can the Minister responsible inform this House what has been done so far?

OQ146. E kona te Minita are tabena ni kabwarabwara bwa tera bukin ae tuai man butimaeaki ana bubuti Burenteun Burebure ma raona tabeman ibukin kaokan kantokaia nako Nuitran are a tia ni kabooa uouaa (2) te tai?

Translation/Rairana

Can the Minister responsible explain why the claim by Burenteun Burebure and others for the refund of their air ticket to New Zealand which they claimed to have been charged twice have not yet been entertained?

OQ147. Iai te kainnana ae e ienikuri ibukin karaoan toutian aba ake a teimatoa ni uneakinaki iaon Onotoa. E kona te Tautaeaka ni kaeka te kainnanano aei n te tai ae e waekoa?

Translation/Rairana

There is an urgent need for the survey if disputed land boundaries in Onotoa. Can Government attend to these needs at the earliest opportunity?

OQ148. E kona te Minita are tabena ni kaongoa te Auti aei bwa e na roko n ningai te mwakuri ni katamaroa iaon te kawai ao te marae ni wanikiba n au abamwakoro ae Onotoa?

Translation/Rairana

Can Government inform this House when will the road and airport rehabilitation be carried out on Onotoa?

OQ149. E kona te Tautaeaka ni kaongoa te Auti aei bwa e bon riai tauakin te VAT iaon te Small Grant fund?

Translation/Rairana

Can Government inform this House if it is proper to charge the VAT on the Small Grant Fund?

6. By Hon. James Taom, MP (Makin)

OQ155. E konaa te Minita are tabena n anga ana kamataata teutana bwa e a bwaka iaara ngkai taekan te Pre School ibukin Makin?

Translation/Rairana

Can the Minister concerned give brief update on the set up process of Makin Pre Schools?

OQ156. A bon rang bubuaka auti n reirei n Nakaa JSS iaon Makin, e kona te Minita are tabena n taraa te kangaanga aei n te tai ae riai taiiaoka?

Translation/Rairana

Nakaa JSS classrooms in Makin are in very poor conditions, can the Minister concerned look into the problem as a matter of urgency, please?

OQ157. E kona te Minita are tabena n rinanoa ao noora riain karakaan kanuangaia Pensioners nakon ae a bwainna ngkai?

Translation/Rairana

Can the Minister concerned consider increasing the amount paid to Pensioners from what they normally received?

OQ158. E kona te Minita are tabena n taekinna bwa iai ana karikirake te Tautaeka ae e tauraoi ni waaki ngkai, iaon karekean taura aika maeu man otan taai ibukin aban nako Kiribati ke akea?

Translation/Rairana

I want to ask the Minister concerned whether or not Government has a plan on solar lighting project for implementation throughout Kiribati in near future?

7. By Hon. Tewaaki Kobae, MP (Tabuaeran)

OQ164. Bwauranakin raawa n roro ni waa ni kaawa aika Eten ma Tereitannano e bon kainanoaki. E kona te Tautaeka n tobwa te kainnana aei?

Translation/Rairana

Reef flashing for canoe passengers in the village of Eten and Tereitannano are needed. Could Government entertain this request?

OQ165. Bwakan maneaban Tabuaeran Parish, NCL Maneaba ao uruakin KUC Maneaba Betania a riki man buakan kanoan boong. E kona n anga ana ibuobuoki te Tautaeka iaon manga katean Maneaba aikai?

Translation/Rairana

Natural disasters had caused total destruction to Tabuaeran Parish Maneaba, NCL Maneaba and damages to KUC Betania Maneaba. Can Government render urgent assistance in the reconstruction of these Maneabas?

OQ166. N te tai are e onrake iai nnen te tiwita ao e a bon toki naba iai te katine tiwita. N te aro ae e na aki tokitoki te katine, e kona te seaweed agent n tangoi Maneaba bwa a na katine nako iai?

Translation/Rairana

Once the seaweed shed is full-up, weighing seaweed also stops. To avoid seaweed weighing stoppage, can the seaweed agent hire any maneaba as seaweed storage?

OQ167. N butia te Minita are tabena bwa e na kaongoa te Auti aei nikiran bwakamwanen te KELP ae tuai bwaka ngkai?

Translation/Rairana

I would request the Minister concerned to inform this House what outstanding claims of KELP that yet to be settled?

OQ168. A tiku ngkai ma te kariaria kaain au abamwakoro ae Tabuaeran n tanninga rokon ana buoka te Tautaeka n otanakin roo n tiwita ake a na kabonakoaki iroun seaweed agent n te boo ae materaoi. I kona ni butia te Minita are tabena bwa e na anga ana kamataata n te itera aei?

Translation/Rairana

My constituents on Tabuaeran have been anxiously awaiting for Governments assistance in providing Seaweed ropes, those to be sold at affordable price through seaweed agent. May I ask Minister responsible to give an update on this?

8. By Hon. Kirata Temamaka, MP (Kiritimati)

OQ194. Tera ana babaire te Tautaeaka ibukin buokan kantokan kaako ma Biti nako Kiritimati?

Translation/Rairana

What is the current policy or guidelines of this Government in addressing the freight for cargoes from Fiji to Kiritimati?

WRITTEN QUESTIONS

9. By Hon. Teima Onorio, MP (Arorae)

WQ31. Tera ana babaire te Tautaeaka aika e kawenei bwa kanoan te trading licence are e angania kaibuke aika akea wintia bwa ana kona n ua kaako iaon Kiribati?

Translation/Rairana

What conditions does Government stipulated under the trading license it gives ships which do not have winches to trade within Kiribati?

10. By Hon. Rimeta Beniamina, MP (Nikunau)

WQ30. N rokon ana tiim te Tautaeaka i Nikunau n 2016 ae e kairaki iroun Hon. Atarake Natara ma te Tia Koroboki ae Bwakura Metutera Timeon ao e tabekaki te bubuti nakon te tiim irouia kain te mwakoro ae *Teirikabutibwainnano*, mwakoron te kawa ae KPC Nikumanu Maiaki, ngkana e kona ni mwanenaki karaoan aia maneaba man te Mwane ni Buoka ae te Natural Disaster Fund bwa e kabuanibwai aia maneaba aio man ana urubwai te ang maeao ae e korakora n taai aika nako. N rimwian te bubuti anne ao iai te reta man te mwakoro aio ae I a tia n nikiria n ana Aobiti te Beretitenti imwin tain te Runga n Takakaro ae e nako.

Ea bwaka iaa rinanoan aia bubuti kain te mwakoro ae *Teirikabutibwainnano* ibukin mwanenakin karaoan aia maneaba iroun te Tautaeaka man mwanen te karikirake ae te Natural Disaster Fund?

Translation/Rairana

During a visit by the Government team to Nikunau sometime in 2016 led by Hon. Atarake Natar with Secretary Bwakura Metutera Timeon, a request by members of *Teirikabutibwainnana* of KPC Nikumanu South was raised to the team if their maneaba can be built using the Natural Disaster project fund since it was damaged by strong westerly winds. In following up the request I have also dropped a letter from this group at the Office of Te Beretitenti after the last Runga Games.

What is the update from OB on the request from *Teirikabutibwainnana* seeking funding assistance from the Natural Disaster Fund to construct their maneaba?

11. By Hon. Taberannang Timeon, MP (North Tabiteuea)

WQ41. E a rang n rikirake mwaitin te kaako ma bwatintia ni maing mani kamanenaa te matabaiawa iaon Tabiteuea Meang. E kona te Tautaeaka ni waekoa ni kabubura te matabaiawa i Tabiteuea Meang?

Translation/Rairana

The volume of cargoes and passengers passing through the port at Tabiteuea North is increasing. Could Government enlarge the port at Tabiteuea North as soon as possible?

WQ42. E konaa te Tautaeaka n taekinna bwa e na moanaki nningai karaaan te kawai ae e korotaa i Tabiteuea Meang?

Translation/Rairana

Could Government indicate when will the main road on Tabiteuea North be tar sealed?

MOTIONS

12. By Hon. Ioteba Tebau, MP (Marakei) & Members of Green Climate Change Committee.

Motion No.3

Bwa te Auti aei e butiaki bwa e na butimaea ao ni kabwaata ana ka-7 n ribooti te Komete ibukin Bibitakin Kanoan Boong ae e Kirin are e

taiboranaki bwa beeba no: 54/17 ibukin ana kanganga te abamwakoro ae Kuria n irekereke ma ana urubwai Bibitakin Kanoan Boong ao man butimaea ana katamaroa te Komete ibukin tobwaan ana kanganga te abamwakoro aei.

Translation/Rairana

That this House is requested to adopt and endorse the 7th report of Green Climate Change Committee tabled as paper No: 54/17 on Kuria issues related to climate change negative impact and consider recommendations for immediate implementation.

Motion No.4

Bwa te Auti aei e butiaki bwa e na butimaea ao ni kabwaata ana ka-2 n ribooti te Komete ibukin Bibitakin Kanoan Boong ae e Kiriin are taiboranaki bwa beeba No. 81/16 ibukin aia kanganga abamakoro aika Aranuka, ao Marakei n irekereke ma ana urubwai Bibitakin Kanoan Boong ao man butimaea ana katamaroa te Komete ibukin tobwaan aia kanganga abamakoro aikai.

Translation/Rairana

That this House is requested to adopt and endorse the 2nd report of the Green Climate Change Committee tabled as paper no. 81/16 on Aranuka and Marakei issues related to climate change negative impact and consider recommendations for immediate implementation.

15. By Hon. Uriam Tirae Iabeta, MP (Teraina) & Chairman of Green Climate Change Committee

Motion No.9

Bwa te Auti aei, e butiaki bwa e na butimwaea ao ni kabwaata ana ka-6 n ribooti te Komete ibukin Bibitakin Kanoan Boong ae e Kirin are e taboranaki bwa beeba No: 53/17 iaon ana kangaanga te abamakoroae Maiana n irekereke ma ana urubwai Bibitaki Kanoan Boong ao man butimwaai iango ni ibuobuoki ibukin kibarakina.

Translation/Rairana

That this House is requested to adopt and endorse the 6th report of the Green Climate Change Committee tabled as paper No: 53/17 on

Maiana's issues related to Climate Change negative impacts and to adopt the Committees recommendations to solve those issues.

Motion No.10

Bwa te Auti aei, e butiaki bwa e na butimwaea ao ni kabwaata ana moan Ribooti te Komete ibukin Bibitakin Kanoan Boong ae e Kirin are e taiboranki bwa beeba No: 43/16 iaon ana kukune mai mwin rinanoan ana ribooti te Komete ni kawai.

Translation/Rairana

That this House is requested to adopt and endorse the first report of the Green Climate Change Committee tabled as paper No: 43/16 on its findings from the previous Committee's report.

Motion No.24

Bwa te Auti aei, e butiaki bwa e na butimwaea ao ni kabwaata ana Ka-7 n ribooti te Komete ibukin Bibitakin Kanoan Boong ae e Kirin are e taiboranaki bwa beeba No: 54/17 iaon ana kangaanga Kuria n irekereke ma Bibitakin Kanoan Boong ao man butimwaea ana iango ni ibuobuoki te Komete ibukin kibarana.

Translation/Rairana

That this House is requested to adopt and endorse the seventh report of the Green Climate Change Committee tabled as paper No: 54/17 on Kuria issues and problems relating to climate change negative impacts and to adopt the recommendations prepared by the Committee for prompt actions.

16. By Hon. Tebao Awerika, MP (Betio)

Motion No.22

Bwa te Auti aei e na kaota boutokaan ana kanoa ni mii te Tautakeka ibukin te uabwi n ririki ae imwaara ke te KV20 ao ni kaunga te Tautaeka bwa e kauka ana mataroa nakoia taan bitineti mai abatera ake a na buoka kibarana ao kakoroan bukin te kanoa ni mii aio n aron are e a tia ni karaoaki i Singapore ao i Dubai.

Translation/Rairana

That this Parliament gives it support to Government's Kiribati vision for the next 20 years or was simply the KV20; and encourages Government to open its doors to foreign business people who will help Government take and make the quantum leaps following the example of Singapore and Dubai.

Motion No.23

Bwa te Auti aei e na kaota kukureina n ana boutoka te Tautaeka nakoia Kauntira ni kabane bwa e na iai mwakaia inanon te tua ni kakoroi bukin ao ni katiai tabeia are a tia ni mwiokoaki iai mairouia aia botanaomata.

Translation/Rairana

That this House expresses its gratitude for Government's support to the Councils that they are empowered by law to fulfil their obligations and to carry out their duties and responsibilities as mandated by the people.

17. By Hon. Tianeti Ioane, MP (Aranuka)

Motion No.25

Bwa te Auti aei e butiaki bwa e na butimwaea ao ni kabwaata ana ka- 5 n ribooti te Komete ibukin Bibitakin Kanoan Bong ae Kiriin (BKBK) are taiboranaki bwa beeba No. 52/17 iaon Makin ao Butaritari ibukin kangaanga ake a irekereke ma ana urubwai Bibitakin Kanoan Bong ao n rinanoi ana kukune te Komete ibukin makuriaia.

Translation/Rairana

That this House is requested to adopt and endorse the fifth (5) Report of the Green Climate Change Committee (GCCC) tabled as paper No. 52/17 on Makin and Butaritari issues relating to Climate Change adverse impacts and consider recommendations for immediate implementation.